



3

Inatsisartut Sanaartornermut Ataatsimiititaliaa

**UKA2024/43 pillugu Sanaartornermut Ataatsimiititaliamit malitseqartitsisumik  
apeqqutinut akissut**

07-11-2024

Sagsnr.: 2024-11910

ID. nr.: 94857006

Asasara Ataatsimiititaliaq

Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammeneq pigisatut tigusisarneq pillugu Inatsisartut peqqussutaata allanngortinneqarnera pillugu Inatsisartut inatsisissaattut siunnersummut malitseqartitsisumik apeqqutissinnut qujanaq.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

Ataatsimiititaliap apeqqutai tulliuttumi allanneqarput, akissummillu malitseqarlutik.

1. **A/S INI-p tusarniaanermut akissuteqarnerani takuneqarsinnaavoq inissiat katillugit 5519-t pineqartut. Amerlassutsinit taakkunannga – illoqarfinni ataasiakkaani inissiat attartortittakkat qassit Naalakkersuisut attartortumiit piginnittunngornermut aaqqissuussineq atorlugu tuniniarneqarniarpat?**  
AKISSUT: Aallarniutigalugu paasissutissiussutigissavara, INI A/S-ip tusarniummut akissuteqarnermini Namminersorlutik Oqartussat inissiaataat tamarmiusut innersuussutigimmag.

UKA2024/45-mut apeqqutip akineqarnerani ataatsimiititaliamut paasissutissiussutigineqareersutut, Namminersorlutik Oqartussat inissiaataannik ikilisitsinissaq ineqarneq pillugu aaqqissusseqqinnermi immikkoortuuvoq. Paasissutissiussutigineqartutut, inissianik ikilisitsinissamut tunngavissat pillugit isummernissamut tunngavissiaq 2024-p naanerani Naalakkersuisunut saqqummiunneqassaaq, taassumallu kingorna politikkikkut isumaqatigiissutissaq pillugu isumaqatiginninniarnissat aallartinneqassallutik.

Tassunga tunngatillugu, aamma tamanna aallarnerfigalugu Namminersorlutik Oqartussat inissiaataasa attartortittakkat sorliit nammeneq pigisatut imaluunniit piginneqatigiilluni inissianganngortinneqassanersut ersarinnerusumik pilersaarusiortoqassaaq. Pilersaarusiornermi inoqarfiiit mikinerit, anginerillu ilaatinneqassapput.

Attartortumit piginnittumut aaqqiissut malillugu illuutit sorliit tuniniarneqarnissaat pillugu qulaajaanissami pisariaqartumik inatsisitigut tunngavissaqartariaqarpooq, tamannalu pillugu Namminersornerullutik Oqartussat kommuunillu inissiaataannik attartortittakkanik inissiatut imaluunniit illutut nammeneq pigisatut tigusisarneq pillugu Inatsisartut peqqussutaata allanngortinneqarnera pillugu Inatsisartut inatsisissaattut siunnersuut (UKA2024/43) Naalakkersuisut saqqummiullugu.

- Tassunga atatillugu ilassutitut paasissutissiissutigisinnavaara, inoqarfinni mikinerni Namminersorlutik Oqartussat illuutaat pingaartumik ilaqtariinnut ataatsinut illuunerullutilu affarleriunerummata. Taamaattumik illut taakkua tunineqassagunik, pingaartumik attartortumit piginnittumut aaqqiissut aqutigalugu tunineqassallutik.
- 2. Naalakkersuisut illoqarfinni ataasiakkani matumani Nuummi, Sisimiuni, Ilulissani, Uummanni, Upernivimmi, Qaqortumi, Narsami, Nanortalimmi, Tasiilami, Ittoqqortoormiini nunaqarfinnilu tamani pisortat inissiataannik tuniniaanissamut pilersaarummik ersarissumik tunniussaqarsinnaappat?**
- AKISSUT: Ersarinnerusumik pilersaarusiortoqassappat pisariaqartumik inatsisitigut tunngavissaqartariaqarmat, ersarinnerusumik suli pilersaaruteqanngilaq. Taassumap saniatigut apeqqut nr. 1-imut akissut innersuussutigineqarpoq.
- 3. Qanoq ililluni inuinnarnut tuniniaasoqarnissaa tuniniaanerlu inatsimmi siunertarineqartoq naapertorlugu qulakteerneqarsinnaava; inuit ataasiakkaat imminnut najugassaminnik pilersornissaat?**
- AKISSUT: Attartortumit piginnittumut aaqqiissut malillugu tunisisoqassaguni, attartortumut taamaallaat tunisisoqarsinnaassaaq.

Inatsit akuersissutigineqareerpat isumaqtigiissutigineqassalluni politikkikkut isumaqtigiissummi allassimasinnaavoq, inissianik inoqanngitsunik tunisineq tunngavinnik aalajangersimasunik aallaaveqarluni taamaallaat pisinnaasoq, politikkikkullu isumaqtigiissutissaq sunik imaqarsinnaaneranut tulliuttut assersuutaaginnarlutik:


- inissianik inoqanngitsunik tunisineq inunnut taamaallaat pisinnaasoq
- inissianik piginnittut peqatigiiffianngortitsinermi piginnittut peqatigiiffata ileqqoreequsaani allassimasinnaasoq, inuit taamaallaat inissiamik piginnittusinnaassasut
- inissiat illusimaffittut atorneqaqqusaassanngitsut
- inissiat tuniniarneqartut amerlassusaat, inuit inissianik tuniniaanerinut akornutaasumik sunniuteqassanngitsoq.

Taamaalilluni siunissami tunisinissap sunik piumasqaateqarnissaanut, inissiallu qanoq sukkatigisumik tuniniarneqarnissaannut politikkikkut isumaqtigiissutissaq aqtsisuussaaq.

**4. Naalakkersuisut siuliini pineqartut pillugit itisiliissuteqarlutik  
nassuaateqarsinnaappat?**

AKISSUT: Ineqarneq pillugu aaqqissusseqqinneq pillugu politikkikkut partiit, sanaartornermullu ataatsimiititaliaq peqatigalugit politikkikkut ingerlateqqinnissaa qilanaaraara. Inatsisip oqaluuserineqareerneratigut suliniutinut Naalakkersuisut ingerlakkumaagassaannut politikkikkut siammasissumik tunngaveqassasoq kissaatigaara.

Inüssiarnersumik inuullaqqusillunga



Hans Peter Poulsen